

ORATIO

JOHANNIS LAI SPONZA

J. U. D.

Et in Bononiensi Universitate

PUBLICI PROFESSORIS,

Cum in Solemni Studiorum Instauratione

Juris Civilis publice docendi munus

primum fusciperet.

312.1



CCCLIII.

sub Signo S. Antonii.

permissu.

*Habita est in Gymnasio Utriusq. Jurist. Universit.
Ost. Idus Novemb.*

(I.)

rendissimo Principi

GREGORIO AB AURIA

**A. E. Card. Bononiæque de Latere
Legato**

NICOLAUS SPONZA

S. P. D.



Ux non modo animos
mihi dederunt, sed etiam stimulos
addiderunt, ut Orationem hanc ti-
bi nuncuparem, **PRINCEPS EMI-
NENTISSIME**, tot, tantaque sunt,

A 2

ut

ut exigua præfati
 secto non possint. *quis ipse sis, ut sciatur, que*
 mihi Meccœnatem paraverim. *N. m.*
 & ex ea Familia ortus es, quæ ve-
 rustissima Sanguinis nobilitate, ho-
 norum splendore, divitiarum copia,
 rerum domi, & belli præclare ge-
 starum memoria ab nulla alia in
 nostra Italia superatur; & eas Ec-
 clesiæ dignitates obtinuisti, quæ ad
 Majorum tuorum laudes novam fa-
 mam, & gloriam adjiciant; & eas
 ab Natura animi dotes, ac virtutes
 accepisti, quibus eccellente ingenii
 tui magnitudine, præclara doctri-
 na, cultuque diligentissimo mirum
 in modum auctis, Familiæ tuæ, ex
 qua ortus es, nobilitatem antecel-
 lis, maximisque illis honoribus,
 quos obtinuisti, ita te dignum præ-
 bes, ut jure quodam tuo ad eos
 pervenisse dicaris. Nihil dico, quod
 non Bononienses omnes dicant, &
 fa-

173
 Tu enim dum suavissi-
 mo regiminis tui jugo suppositi
 sunt, propius te norunt in Agri
 præsertim conservatione, & incre-
 mento, cui summo labore, atque im-
 pensis prospero, fausto, felicitique
 exitu provides. Cæterum ego non
 tam quæsiui Meccenatem, quam
 Virum bonarum Artium, ac Lit-
 terarum peritissimum. Quam liben-
 ter, & attente audivisti Orationem
 hanc meam fortunatissimo illo die,
 qui profecto & tua, & CARDINA-
 LIS STUARDI præsentia, atque
 humanitate toti litterariæ Reipubli-
 cæ splendidior illuxit! Jam vero ut
 Orationem ipsam audisti, quam sa-
 pienter, & benevole nonnulla, quæ
 emendatione indigebant, indicasti,
 & emendari voluisti! Quod cum
 sapientiæ, & eruditionis tuæ argu-
 mentum est maximum, tum etiam
 summæ erga me humanitatis. Cu-
 jus quidem humanitatis tuæ amplif-

simum mihi pignus
me in eximia (sic enim ipse eam
vocas) Prioratus dignitate constitui-
sti, in quo perillustri, ac perdifficili
munere humaniter me semper ex-
cepisti, & curam meam, atque in-
dustriam æquibonique fecisti. Ha-
be igitur, PRINCEPS EMINEN-
TISSIME, hoc obsequii, grati ani-
mi, ingenii, diligentiae meae speci-
men quaecunque, quod si æquo
animo susceperis, nunquam eris, ut
me officii, atque instituti mei por-
niteat. Vale.





I quid præter omnem expectationem meam accidere mihi unquam potuit; illud profecto fuit, cum me Amplissimi Senatus Patres Conscripti, quorum & principem locum tenetis, & vicem geritis, *Illustissimi, atque Excelsi Iustitia Vexillifer, & Antiani Consules*, incredibili, ac pene divino beneficio ad publicum docendi munus designatum, & renunciatum esse voluerunt. Ac mihi quidem quemadmodum res est diligentissime cogitanti, timendum jure videtur, quod timere se etiam fatebatur Marcus Tullius, cum pro obtenta Consulari dignitate Populo Romano grates agere institueret, ne scilicet in hoc ornatissimo loco, in quem hodierna luce primum descendendo, aut nimium arrogans dicendo sim, aut nimium ingratus tacendo. Possumne enim per Deos Immortales vestrorum magnitudinem, amplitudinemque beneficiorum tam parvi facere, Patres Amplissimi, ut in hac tanta sapientissimorum hominum celebritate illorum recor-

*In Orat. de
L. Agr. ad
pop. cap. 1.*

dationem turpissimo silentio præteream? enim in eo dignitatis gradu collocavistis, in quo qui a vobis constituti sunt, non modo in hac splendidissima Civitate, sed etiam in universa Europâ honore, & existimatione maxime pollent; mihi publice docendi facultatem in eo loco dedistis, qui semper maximis, & præstantissimis Viris abundavit; mihi interclusam hæcenus famæ, gloriæque veluti januam aperuistis, unde ad alios quoque honores in posterum aditus pateat. Quod si præclarum est, Scientiam aliquam publice profiteri in hac florentissima Civitate, quæ Studio-
 rum Mater habetur, atque est; Jurisprudentiam profiteri erit certe præclarissimum. Nam aliis quidem Civitatibus cæterarum Disciplinarum primum quasi cultum, & instaurationem fortasse concedetis; Jurisprudentia vero ad vos maxime pertinet, vobisque ejus integritas, & vita accepta referenda est. Vivit adhuc, & vivet, quamdiu stabit Bononia, sapientissimi illius Irnerii memoria, qui cum princeps omnium Jurisprudentiam in Italiam advexisset, Theodosii Minoris jussu in hac Civitate celeberrimam Juris Civilis Scholam aperuit, suisque interpretationibus illustravit. Ita reliquæ omnes Scholæ ab hac Bononiensi profluxerunt, in qua sexcentorum, & amplius annorum spatio præclarissimi Juris-
 consulti docuerunt, quorum numero immor-

(IX.)

tali me beneficio vestro addidistis. Sed quid eruditissimis, ac sapientissimis illis Viris me confero, quibus neque ingenio, neque exercitatione sum comparandus? Absit absit, ut vestræ munificentiae splendor mentis meæ aciem ita perstringat, ut non ingenii mei imbecillitatem, viriumque tenuitatem cognoscam. Sed quemadmodum satis clare video, quam demisse de me sentiam oportet; sic video, quam magna a vobis acceperim, & quantum vobis pro vestris in me meritis debeam. Itaque debitionis meæ est, summa beneficia vestra grati animi observantia colere, & voce prædicare; sapientiae vestrae, necessariam orationis meæ licentiam ea, qua soletis, comitate temperare. Igitur quamdiu vitam hanc egero, vivet promeritorum vestrorum memoria nullo unquam tempore minuenda, & qualis necunquam locus, cum Bononia discessero, excipiet, eximiae liberalitatis, & munificentiae vestrae argumenta omnibus ita ostentabo, ut intelligatur, quam gratiam vobis nunc refero summo animi obsequio, eam mihi colendam esse studio sempiterno. Atque illud in primis mihi laudandum jure video, quod eo die publicum docendi munus suscipio, qui sapientissimo Majorum nostrorum, instituto solemnibus Studiorum Auspiciis consecratur, qui cum hac Litteratorum hominum praesentia tam celebri, ornatissimorum Ado-

lescentum, quorum utilitatem in hoc præsertim studiorum repetendorum limine spectamus, corona tam splendida magis candidus, ac faustus affulgeat, dubitare non sinit, quin quod opus tam fortunatis auspiciis incipitur, iisdem bene faventibus felicissimum exitum consequatur. Duo igitur mihi hodierna luce facienda sunt, ut & Juris Studiosos, quæ quidem præcipue meæ partes esse debent, pro virili docere incipiam; & Studiorum Institutionis muneri mihi imposito satisfaciam. In quo quidem indigeo judicio, & sapientia vestra, Auditores, quæ si humaniter aderitis, ea me dicturum esse confido, quæ & vestra probentur auctoritate, & studiosissimis nostris Adolescentibus non mediocriter sint profutura. Sed jam me de Jurisprudencia dicere incipientem benevolentia vestra sustinete.

*Gic. lib. 1. de
leg. cap. 6.*

Postulat ipsa Jurisprudencia indoles, atque natura, ut quicumque ad solidam, germanamque Juris cognitionem adspirat, ab ea lege studiorum suorum capiat exordium, quæ sæculis omnibus ante nata est, quam scripta lex ulla, aut quam omnino civitas constituta. Sunt enim leges non ab hominibus pro lubricine excogitatae, sed ab ipsis Naturæ immutabilibus, atque æternis præceptis expressæ, quibus ut sancte, fideliterque pareamus, non Principis voluntas, aut imperium, non

(XI.)

non poenarum metus, aut pramiorum spes, sed eadem ipsa Natura, & recta Ratio nos cogit, qua & confectemur honesta, & a turpibus abstineamus. Quæ cum ita se habeant, maximè procul dubio habendæ sunt grates præclarissimis nostrorum temporum Jurisperitis, qui negotium hoc vel ab aliis prorsus omissum, vel parum feliciter gestum naviter, industrieque susceperunt, ut civiles constitutiones cum naturalibus honestatis, æquitatisque principiis conjungerent, itaque illarum certas origines, & vera exordia diligentissime perquirentes, illud tandem demonstrare conati sunt, Jurisprudentiam omnem, quemadmodum sine eruditione, & eloquentia incompra ipsa est, atque sordida, ita sine exquisita Juris Naturæ notitia infirmam esse, atque adeo prorsus inanem. Jubent ergo Viri sapientissimi, atque inter Litteratos omnes facile principes, ut Adolescentes, antequam Civilem Jurisprudentiam discendam suscipiant, ingenium suum omne, ac diligentiam in eam conferant, quæ dicitur Naturalis, pollicenturque fidentia maxima futurum, ut in illius studio majores fructus ab ijs percipiantur, qui in hanc excolendam majores vires intenderint, modo ea methodus adhibeatur, quam ab iisdem inventam, & concinnatam esse videmus. Ego vero (quoniam & Juventutis nostræ utilitas, & muneris mei officium,

& quæ mihi a vobis data est, auctoritas facit, ut quod sentio, libere dicam) in Juris prudentiæ Studio Juris Naturæ cognitionem ita requiro, ut a subtilioribus questionibus abstineat; eorum, quæ mentis nostræ imbecillitatem superant, rationes non querat; quæ vel inutilia, vel etiam perniciosa sunt, curiose non investiget; uno verbo hoc volo, ut in Juris Naturæ studio auream illam servet mediocritatem, quæ optima rerum omnium videtur esse moderatrix. Sic enim constituo, quemadmodum cibi, & potionis, quibus cæteroquin ad reficiendas corporis vires tantopere indigemus, immoderato quodam usu illæ ipsæ vires opprimuntur potius, quam reficiuntur; ita omnem Juris Naturæ investigationem non modo difficilem, & periculosam, sed etiam infestam, & pestiferam evasuram, nisi intra eos fines contineatur, *quos ultra, citraque nequit consistere rectum.* Nam cum propter humani ingenii infirmitatem, cæcasque tenebras, quibus undique obruimur, omnis questio, quæ ad rem aliquam cognoscendam instituitur, per se difficilis esse solet, tum ea difficillima, quæ in remotissima Juris Naturæ origine eruenda, cognoscendaque versatur. Etenim cæterarum quidem cultores Artium, & Facultatum, sive Physicæ illæ sint, sive Mathematicæ, sive Historicæ, sive Medicæ, habent certum aliquod principium extra il-

Hor. sat. 1.
lib. 1.

(XIII.)

illarum finum constitutum, quod cum omnes, qui aliquid sciunt, verissimum esse velint, atque indubitatum, super illud tanquam firmissimum fundamentum disputationum suarum molem superstruunt universam. Illos ipsos divinorum arcanorum scrutatores Theologos, quis nescit, ex Sacrarum Scripturarum Oraculis, Sanctorum Patrum Testimoniis, Romanorum Pontificum Decretis [quibus quid certius Christiano homini debet esse?] doctrinarum suarum partem maximam haurire? Sola Jurisprudentia Naturalis est, Auditores, quæ nullis adminiculis extrinsecus adjuvatur, vel certe paucis, iisdemque infirmis, quæque vel ab ipsis Philosophis [jurene, an injuria id fiat, non est mea judicare] non modo in controversiam deducuntur, sed etiam palam, aperteque negantur. Itaque, ex illius imis visceribus, nempe ex primis illis obscurissimis ideis, quas Natura nobis insculpsit, eruendæ sunt quæstiones illæ de Essentia boni, & mali, de Felicitatis appetitione, de Humanarum actionum libertate, de earum Norma, & Principio, in quibus, ut Marci Tullii verbis utar, tenebras cogitemus tantas, quantæ quondam eruptione Ætnæ ignium finitimas regiones obscuravisse dicuntur. Sunt enim [quis inficias iverit?] ingeniis nostris semina innata virtutum, quæ si adolescere liceret, ipsa nos ad beatam vi-

(XIV.)

*Tuf. diff. lib.
3. cap. 2.*

ram Natura perduceret. Nunc autem simul
atque editi in lucem, & suscepti sumus, in
omni continuo pravitate, & in summa opinio-
num perversitate versamur, ut pene cum la-
cte nutricis errorem suxisse videamur. Divi-
na est hæc Marci Tullii Ciceronis sententia,
cujus aurea ipsa verba, ut sæpe vobis subij-
ciamus, tanti Viri auctoritas postulat. Quid
si quæ ab omni prorsus materie segregata,
tam obscura, arcanorumque similia habentur,
ut ab humani intellectus infirmitate satis
clare, distincteque apprehendi non possint, ho-
minum actionibus, & moribus, Reipublicæ
regimini, humanæ societatis conservationi,
& felicitati, quo demum Jurisperitorum om-
nium meditationes, atque studia referri oportet,
accomodentur? Equidem periculosissimum
mare navigandum susceptum est, in quo
omnia certissimum naufragium minitentur,
quod si quis tutus effugiat, tabellam instruat,
Dijisque votum suspendat. Nolite expectare,
Auditores, ut Gentium omnium, Populorum,
Nationum leges, mores, ritus, consuetudines
afferam, in quibus varietatem tantam, confusio-
nemque animadvertere licet, ut dubitari non
injuria fortasse possit, omnesne ab iisdem
principiis profluxisse dicendæ sint. Quæ qui-
dem si honestæ, justæque sunt, facile est affir-
mare, omnes ab eadem honestate, & justitia
tanquam ex fonte latices derivari; sed colli-
ga-

gare diversas, conciliare contrarias, pugnant
 tes componere, unde mira illa harmonia, at-
 que ordo confurgit, quo universa humana
 societas gubernatur, res est perdifficilis, &
 supra hominum vires, ut ita dicam, consti-
 tuta. Itaque singulorum conditionem paul-
 lisper cogitate, Auditores, quemadmodum
 non dicam corpore fragili, sed animo prono
 ad libidines, facili ad vitia oculos luci ape-
 ruerimus. Circumsistimur omnes [quid enim
 dissimulem?] animi perturbationibus, & cu-
 piditatibus, ambitione, invidia, amore, avari-
 tia, cæterisque hujusmodi pravis affectioni-
 bus, quæ nos huc illuc versant, torquent,
 flectunt, exagitant, naturaque ipsa ardet in-
 nobis ad hæc quasi pabula cupidissimis moti-
 bus tendens ignis, quos qui virtutis veluti
 freno moderetur, ac regat, hunc ego cæteris
 quidem hominibus anteferendum existimo,
 qui vero extinguat, planeque opprimat, Diis
 proximum judico. Magna præterea vis est
 Voluptatis, quæ delectationis, ac suavitatis
 imagine sapientissimum quemque irretire po-
 test, atque corrumpere, indeque fit, ut quos
 nullus labor, nulla difficultas a virtute avo-
 care potuerunt, carnis illecebræ, & blandi-
 menta proposita voluptate in omne flagitio-
 rum genus turpissime trahant. Sed quorsum
 hæc? inquiet aliquis. Quorsum? Ut intelli-
 gatis, quam salebrosum, alexque plenum opus

aggrediantur ii, qui prima naturalis æquitatis exordia investigantes, ejusdem naturam, & veras proprietates definire conantur. Homines, inquis, sapientissimi? Sed tamen homines, animi cupiditatibus, & perturbationibus obnoxii, vitiorum fraudibus, & potentiz subiecti, voluptatis lenociniis, & incantamentis expositi. Facile est, mihi crede, ut hic, ubi toties vel prima Sanctitas cessit, & homines sapientissimi cedant. Facilius est, ut dum incensis per ignes suppositos cineri dolofo, excitentur repente flammæ, incendiumque maximum longe, lateque diffundatur. Facillimum est, ut dum pravis tuis affectionibus opportuna remedia paras, alimenta potius suppedites, neglectaque saluberrima medicina lethale venenum tibi propines. Quid? Avaritiz inservis. Jam nihil miror, si a te sustineantur fraudes in contractibus, & inhonesta quædam lucra in commerciis defendantur. Incenderis libidine. Audio te sanctissima Castitatis vota impugnantem. Placer tibi cogitandi, agendique quæcunque velis libertas. Equidem placere non potest Religionis sanctitas, Sacrorum cultus, Deorum Immortalium timor, Principum reverentia, humanæ Cognationis nostræ incrementum. Utinam falsum esset, Auditores, quod certissima multorum opinione receptum est, eos ipsos, qui diuturnis in Jure Naturæ meditationibus ve-

(XVII.)

rz Religionis fundamenta jacere, Legumque auctoritatem, & quietatemque factam tectam tueri se prædicant, non suis modo factis, sed scriptis etiam, atque doctrinis & Religionem evertere, & honestissimas quasque Leges labefactare. Quo enim tendunt impiæ illorum voces, qui sacratissima Romanorum Pontificum Decreta *Papistarum, Pontificiorum, Romanensium* superstitiones appellant, blaterantque impudentissime, Ecclesiasticas Constitutiones bono Reipublicæ regimini non convenire, nisi ut Pontificum auctoritatem imminuant, & Catholicam Ecclesiam stirpitis eradicient? Quid aliud sibi volunt nefarii illorum conatus, qui divinam Sacrarum Scripturarum potestatem humano arbitrio ita subijciunt, ut ab eo robur earum omne deducant, nisi ut earundem cultum omnino pessundent? Sed fremant quantumlibet, & ad insaniam usque debacchentur homines perditissimi, nunquam tamen efficient execranda procacitate illa sua, ut quibusdam quasi cancellis constricta Pontificia auctoritate, Sacrarum Litterarum oracula summum veritatis gradum apud bonos omnes non obtineant. Jam vero quid illos machinari arbitramini, qui honestatis, ac turpitudinis canones ab hominum voluntate repetunt, nobisque propter solam imbecillitatem supremo Legumlatore obtemperandum esse contendunt, nisi ut honesta turpibus,

ju-

(XVIII.)

justa injustis, bona malis permisceant, pietatemque adversus Deum Optimum Maximum de medio funditus tollant? qua sublata necesse est, ut fides etiam, & societas humani generis, & una excellentissima virtus iustitia tollatur. Quo illos spectare putatis, qui summi Imperantis munia, in exercenda tyrannide constituunt? Quo illos, qui actionum humanarum libertatem oppugnant? Quid vultis amplius? Clamant elata voce Scribæ, & Pharisei hypocritæ, penes quos majus est aurum, quam templum, donum, quam altare, qui decimant mentham, & anethum, & cuminum, & relinquunt, quæ graviora sunt legis, judicium, & misericordiam, & fidem:

Cic. de nat. Deor. lib. 1. cap. 2.

Matth. cap. 23.

Mor. serm. lib. 1. sat. 3.

Non natura potest justo secernere iniquum; Sola est utilitas justis prope mater, & aqua.

Clamant πολῖται, Religiones omnes in Republica esse admittendas. Clamant ii, qui Naturalistæ dicuntur, non posse civiles leges cum Religione bene consociari. Quid mihi nunc eruditissimi Jurisperiti Obligationem internam ab externa secernant? Quid Obedientiam illam suam passivam proponant? Quid varias Amorum species humanitatis, justitiæ, beneficentiæ, amicitiae, sexcentasque alias commemorent? Abeant enim vero abeant cum investigationibus suis istis acutissimis, atque inventis praeclarissimis. Non placet nobis mendacium, πολυγαμία non placet.

Exc.

(XIX.)

Execramur libidines omnes tanquam Juri Naturæ contrarias; damnamus usuras; odimus Tyrannos, turpitudinem insectamur. Videtisne; Auditores, quænam pestes erumpant ex immoderata cogitandi licentia, quæ nullis pietatis, & religionis vinculis coerceatur? Excurrit illa quidem modo effrazato quodam impetu, modo insinuat sese per cuniculos in depravatas hominum mentes; quibus dum veritatis imaginem, & adumbrata virtutum signa repræsentat, luctuosissima errorum; vitiorumque labe coinquinatos miserrime labefaciat. Te infelicem, si quis es, qui venenatis istiusmodi poculis labra admovisti! Venenum haufisti, quod nulla medicina propellatur. Venenum, inquam, haufisti? Pestifera te lues infecit, qua non modo ipse contabescas, sed etiam aliorum animos pedetentim corrumpas. Sed quod in reliquis rebus fere omnibus fieri videmus, ut non optimas; sed quæ temporum moribus magis conveniunt; nulla ratione ducti probemus, idem nescio quo fato in litteraria Republica solet usuvenire, ut plerunque ea studiorum ratio proponatur, ad quam nos Recentiorum judicium, & sæculi consuetudines abripiunt. Itaque etsi magna pars Jurisperitorum curiosiorem Juris Naturæ inquisitionem magnis difficultatibus, atque periculis expositam norunt, tamen inani spe, & cupiditate gloriæ pellecti, quod

quod nimirum sic autamant, se in litteratorum Virorum cœtu esse numerandos, qualecunque vel improbum illius studium ita probent, atque suadeant, ut ab eo omnis humana cognitio proficisci videatur. Ab his ego { quoniam veros Catholicos se esse dicunt } hoc unum quæro: velintne ipsi Marte suo nova systemata excogitare, & in apricum proferre; an vero Ducem aliquem proponere ex eorum numero, qui ut disputationibus suis viam nobis sternerent, & communirent, naviter desudarunt? Si primum; exerant, per me licet, vires suas, studeantque de litteraria Republica optime mereri. Addicant Aves eorum conatibus. Nos interim felices progressus, atque exitus avidissime expectabimus. Curent ipsi, ut alienis periculis edocti prudenter incedant, & meliora producant. Sin autem, quod magis verisimile videtur esse, Duci alicui, & Præceptori instituendos nos tradunt, rursus quæro: quemnam potissimum sequi nos jubeant? Numquid Grotium? Sed obscuritatis arguitur à Thomasio. Num Puffendorhium? Sed impugnatur a Sekendorffio. Num Leibnizium? Sed a Ruardo *spinossimi* accusatur. Num Wolsium, num Budzum, num Thomassium, num Cumberlandum? Sed fatetur Heineccius, eos omnes, & quoscunque alios, vel doctrinas suas nulli certo, ac indubio principio superstruxisse, vel princi-

pia

*In pref. ad
elem. jur.
nat. & gent.*

(XXI.)

pia plurimum idonea admisisse, vel ea denique tam longe ex subtilissimis, quas Methaphysica suppeditat, notionibus petiisse, ut data veluti opera omnia involvere voluisse tenebris videantur. Igitur in tanta hac hominum, & sententiarum varietate cuinam adhaerendum est? Nemini inquam ego, Auditores, fretus humanitate, & sapientia vestra singulari. Sed quidnam audeam de studiis nostris definire, diligenter attendite. Credo ego, neminem dubitare, quin Legumlatores omnes, qui Civitatum utilitati, & felicitati maxime studuerunt, eas leges Populis proposuerint, quæ cum rectæ Rationi optime convenirent, earundem Civitatum publica, & privata negotia honestissima providentia regerent, atque foverent, unde Civium commercia, patrimonialia, familiarum ab alienis fraudibus, atque insidiis custodirentur, ipsorumque animos, & voluntates communis quidam Amor, & affinitas ab æquitate naturali ducta inter se colligaret, cui demum Civitates omnes necesse est conservationem suam tribuant, ac diuturnitatem. Percurrite, si libet, maxima illa Romanarum Legum volumina [juvat enim ab eo Populo exempla petere, cujus jura interpretamur] quid in tam diffusa, ac pene dixerim immensa Jurisprudentia occurrit, quod non expressam honestatis, & justitiæ imaginem ostendat? Quæ enim alia Gens furta, & adul-

adulteria acrius, quam Romana damnavit? In qua Civitate graviora fuerunt Perduellionis, Ambitus, Repetundarum, Peculatus, Parricidii iudicia, quam Romæ? Cedo mihi religiosiores Tabulas Decemviralibus de Tutelis, de Hæreditatibus, de Dominio, de Possessione? Quid si SConsulta Macedonianum, Planicianum, Neronianum, Orphitianum, Legesque Julias, Cornelias, Aquiliam, Scriboniam, Lætoriam, Attiliam animadvertas? Nonne fatearis oportet, quemadmodum nulla, alia Respublica armis, atque imperio major fuit Romana, ita neque ditiores fuisse bonis exemplis, neque legibus sanctiorem? Nam si per tot sæculorum intervalla aliquid fortasse offenderis, quod neque constans, & diuturnum, neque ab eodem immutabili æquitatis principio derivatum videatur, ne continuo honestissima jura inhumanitatis, & injustitiz reprehendas, quin potius temporibus, locis, moribus, Reipublicæ ipsius constitutioni pauca condones, donec re attentius considerata incorrupte, & prudenter dijudices. Neque enim cum imperio Consulari ea congruere potuerunt, quæ ab Regibus sancita sunt, neque seditiosi Tribuni Patrum decreta semper approbarunt, neque Imperatoribus sublata Senatus, Populique auctoritate Consularia jussa placuerunt. Accedit, quod illos ipsos, qui de Jure responderunt, in plures veluti fa-

(XXIII.)

familias opinionum varietas secuit, unde inter Cassianos, Pegasianos, Sabinianos, Proculianos discordiz, atque dissidia magna animorum contentione agitata viguerunt, ex quibus responsa altera alteris contraria, & pugnantia orta sunt. Adde varios Jurisprudentiz status, ac vices, quam modo in verborum superstitione fundatam vides, modo ad lenitatem magis pronam, nunc in summum rigorem immutatam, nunc fortasse nimis remissam. Adde Senatum, Plebem, Comitia, Prætores, Tribunos, Consules, Triumviros, Imperatores, Præfectos, alios alia jubentes, vetantes, corrigentes, addentes, antiquantes. Sed profecto in immenso hoc aliarum super alias acervatarum legum cumulo nihil invenies, quod non ab summa æquitate, & justitia ad hominum necessitates, atque usus procedat, nihil, quod non maximam Reipublicæ utilitatem respiciat, nihil, quod non ad ejus incrementum referatur. Igitur præcipuum Juris Studiosi consilium, atque cura ea esse debet, ut legum omnium principia ita investiget, ut eam æquitatis, honestatisque normam adhibeat, qua Reipublicæ statum, Populi mores, Civium societatem dirigat, ac dimeriatur; rationes quærat; sed quæ sint earundem legum succus, & sanguis, & anima; exploret origines, sed quibus humanæ cognitionis nostræ fundamenta firmis-

sima

*Liv. lib. 3.
cap. 14.*

(XXIV.)

sima jaciat. Omnino. Naturalem æquitatem ab ipsius Jurisprudentiæ visceribus eruat. Quid cautum, cur a Majoribus cautum, non quid cavendum fuerat, diligenter inquirat. Tempus fuit; quo beluarum more homines per sylvas, & nemora vagarentur, perpetuumque bellum invicem agerent, cum pugnaret ratio, continentia, virtus cum temeritate, libidine, nequitia, isque honestati, prudentiæ humanitati locus esset, quem peculiaris uniuscujusque utilitas, ignorantia, vis esse voluisset. Nunc autem maximo Deorum Immortalium munere dominantur leges ubique gentium, ac regnant, quæ institutis commerciis, initis affinitatibus, distributis imperiis, præmiis, pœnisque propositis arctissimis societatis vinculis nos, fortunaque nostras conjunxerunt. Ergo si Titulos de Dominio, & Possessione, si Nuptiarum Ritus, si Pactorum Constitutiones explicandas susceperis, ad primam humanitatis originem, ad summum illud Juris Naturæ judicium cognoscendum me trahes? Scilicet. Ut inde colligam ineptissime, Majestatis jura summis Principibus non bene convenire, sæminarum usum promiscuum esse debere, sædera impune posse violari. Aut cum ad Decemvirales Tabulas de Furtis, ad Legem Juliam de Adulteriis perveneris, illud in controversiam adduces, utrum hæc sint mala, necne? Dubitas? Interroga bonos, au-

(XXV.)

Audi leges, inspice carceres, triremes, cru-
des, supplicia. Numquid ignoras, furtis, at-
que adulteriis Familiarum patrimonia dissipari;
Civium amorem; & concordiam everti,
Reipublicæ vires, & nervos infringi? Te fu-
git, ex impurissimis istiusmodi lacunis mana-
re odia, seditiones, discordias, libidines, ex-
ces, incendia? Alias rationes postulas? Non
omnium, quæ a Majoribus constituta sunt
[sic enim Leges 19; & 20 de Leg. interpre-
tamur] rationes ab summis principiis petitas
inquirere oportet; alioquin si certos fines
prætergrediaris, multa, quæ certa sunt, in-
genio tuo; atque malitia subvertentur. Vi-
deorne vobis, Auditores, satis opportune
rebus nostris consuluisse, si hanc Jurispru-
dentix tradendæ, discendæque rationem,
quàm oratione mea suadeo, iudicio, & au-
doritare vestra comprobetis. Jactent igitur
jactent alii investigationes suas a remotissimis
principiis petitas; nodum in scirpo quærant,
quæstiones excitent, in turbido expiscentur.
Nos planiore via ingredientes memores officii
nostri ita in Jure Naturæ versabimur, ut le-
ges omnes ad naturalem æquitatem, quæ sit
cum Reipublicæ constitutione, atque utili-
tate conjuncta, referamus, nihilque a nobis
proponatur, quod cum veræ Religionis prin-
cipiis apprime non congruat. Quod si quis
ingenii sui viribus fidens nova cogitet, fictis-
que

(XXVI.)

que controversiis jus omne pervertere, vel studia nostra difficultatibus, atque periculis in posterum obijcere molitur; capitalem huiusmodi hostem, quemadmodum ab Urbe Romani olim expulsum esse voluerunt, ita & vos, Auditores, non modo a Provincia nostra, sed etiam ab universa litteraria Republica tanquam pestem infestissimam exulare, jubebitis. Tu in primis jubebis, *Princeps Eminentissime*, qui cum iustitiam ab animi æquitate, imperium ab humanitate, legum vim a publica utilitate nunquam disjungas, nihil aut cogitas, aut agis, aut jubes, quod non te & Principem religiosissimum, & Antistitem iustissimum ostendat. Nonus jam annus vertitur, cum *Benedicti XIV. Pontificis Maximi* personam sustines in hac Civitate, cui tanta sapientia, fide, consilio, æquitate, vigilantia summa cum honorum omnium voluptate præes, ut ea cura, & benevolentia ad illius conservationem, & felicitatem incubas, qua Filius est erga Matrem, Civis erga Patriam. Nobis autem, Gymnasioque nostro quænam præclara vigilantix tuæ, amoris, & humanitatis argumenta suppeditas? Qui Scholarum nostrarum Rector amplissimus nos infuscipiendo, peragendoque studiorum cursu exemplo tuo præcedis, hortaris consilio, urges auctoritate, præmiis etiam confirmas, quemadmodum duobus abhinc mensi-

(XXVII.)

libus AUREA CRUCE Universitatum Priores decorasti, cujus beneficii memoriam, Prior, & Præfides Utriusque Juristarum Universitatis eo monumento (*) æternitati donaverunt. Atque splendidissimis vestigiis tuis insisteret fideliter, & religiose, qui vicem tuam agit summa æquitate, prudentia, & integritate. Quidni autem *Illustrissime, ac Reverendissime Prolegate*? Inspice locum hunc, qui mihi hodie est amplissimus ad dicendum, hos parietes, totam hujus Gymnasii molem magnificentissimam. Redacta est illa in formam hanc tam splendidam, ac singularem a *Divo Carolo Bonrbornao S. R. E. Card. Bononiæ Legato*, cujus & eandem familiam, stirpemque jactas, & virtutes imitaris, qui in harum præcipue Scholarum constructione suum erga bonas Artes, & Universitates nostras amorem, atque studium patefecit. Hæc igitur nobiscum animo cogitantes etiam atque etiam speramus futurum, ut quemadmodum facis in aliis omnibus, ita in hoc etiam *Divi Caroli* Propinqui tui exemplum tibi ad imitandum proponas, ut scilicet nobis, studiisque nostris patrocinio tuo benevole faveas. Vos vero favebitis procul dubio, *Illustrissimi, itque Excelsi Justitia Vexillifer, & Antiani Consules*, qui nihil magis unquam, Ruduistis, quam quod Scholarum nostrarum utilitatem, & incrementum respiceret, atque in eum ma-

(XXVIII.)

xime finem Adolescentibus hifce ornatiffimis, qui ex longinquis regionibus in veftram Urbem ftudiorum cauffa convolarunt, fuma cura, providentia eximia, impenfis maximis ficuti alteri Parentes adefitis. Agite dum igitur, ftudioffiffimi Adolescentes: invado res eft. Videtifne, quznam præfidia vobis parentur, ut ijs omnibus, quæ ad veftros profectus pertinent, abundetis? Utamini Eminentiffimi Principis, & Ampliffimi Senatus beneficio, qui vos præftantiffimis Viris erudiendos tradiderunt, ut eorum fapientia, doctrina, & iudicio non modo ad veram germanamque Legum cognitionem, fed etiam ad cæteras Difciplinæ fine ulla diffidentia, & periculo mature perveniatis. Habetis enim graviffimos, & eruditiffimos Jurisperitos, Theologos, Medicos, Philofophos, Mathematicos, Oratores. Illud unum reliquum eft, ut tales fitis, quales & Princeps Eminentiffimus, Ampliffimusque Senatus vos effe volunt, & quales vos effe decet, ut intelligatur, Gymnafio Bononienfi nescio quo fato Adolescentum frequentiam deeffe potuiffi Gymnafii Bononienfis Adolescentibus Eminentiffimi Principis, Ampliffimique Senatus vigilantia ingenium, ac diligentiam nunquam defuturam.

[*]

D. O. M.

Eñno ac Rvño Principi

GEORGIO AB AURIA

S. R. E. CARD. BON. DE LAT. LEG.

QUI NICOLAO SPONZA

PRIORI ÆSTIVO

PRO SE AC SUCCESSORIBUS

AUREAM CRUCEM

NOVUM PRIORATUS ORNAMENTUM

PETENTI CONCESSIT

PRIOR ET PRÆSIDES

U. J. U. P. P.

A. MDCCLII.

ALBUA 7A QID 1000
Vidit D. Placidus Rambaldi Clericus Regularium
Sancti Pauli, & in Ecclesia Metropolitana S. Pe-
tri Bononiae Penitentiarius pro Sanctissimo Domino
Nostro BENEDICTO XIV. Archiepiscopo Bononiae.

Die 16. Januarii 1753.

Imprimatur.

Fr. Caesar Antoninus Velasti Provicarius Sancti Officii
Bononiae.